



**Ethica Amoris, Sive Theologia Sanctorum, Magni  
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Externis Regulis Amoris Et Morum, Legibus Utique, ac Praeceptis  
Virtutum Theologicarum, & Cardinalium, necnon Decalogi & Ecclesiae -  
Libros Vndecim Complectens

**Henricus, de Sancto Ignatio  
Leodii, 1709**

Caput XVI. Exponitur præceptum dilectionis inimicorum.

---

[urn:nbn:de:hbz:466:1-73203](#)

dispersæ consistunt. Si omnibus confidemus, nullus modus excogitari queat, quo illis baptismi sui defectus significetur, nisi mulier illa Magistratui se prodat, extremum consequenter supplicium subitura, ad idne ipsam Confessarius obligare debet, &c., nisi consentiat, absolutionem ei denegare?

145 Respondent Layman l. 2. tr. 3. c. 3. n. 3. & Gobat ubi supra n. 220. absolvendam esse, si Confessarius excitari in ipsa firmum propositum emendandi se, faciendo ea quæ Confessarius necessaria judicaverit ejus saluti. Deinde inducendam ad subeundam libenter mortem pro sua aliorumque à se deceptorum salute. Quod si non sit spes id ab ea imperrandi, esse ipsi dissimulandam obligationem sistendi se Judici: eò quod eam probabilitate ignoret, ejusque manifestatio paritura sit plus mali, quam boni.

146 At isti responsioni subscrivere non possum. Quia Confessarius prudenter judicare nequit sagam illam dispositam ad absolutionem, nisi prudenter judicet ipsam paratam satisfacere suæ obligationi in re tanti momenti, in qua agitur de tot animarum salute perelitante, ob ignoratum ab ipsis defectum sui baptismi. Quomodo vero prudenter id judicare poterit, nisi de ea ipsam monuerit, ab ipsaque dicterit, an ei satisfacere parata sit? Alias namque an ad rem tam difficultem parata sit saga, ad minus dubitare debet. Eo ipso vero quo de eo dubitat, de ipsis ad absolutionem dispositione dubitat, vel debet dubitare. Nec dubium istud deponere potest, nisi ipsam ea de re interrogando. Quod si existimat, interrogationem obtuturam magis, quam profuturam, consequenter existimat, vel existinare debet ipsam taliter affectum, ut monita de sua obligatione, non sit ei satisfactura. Igitur existimat, vel existinare debet ipsam carere dispositio ne necessariâ ad legitimam absolutionem. Per consequens ipsam absolvere non potest.

147 Nec ad rem praesentem facit quod Gobat allegat ex Augustino dicente (ut ipse putat) *si scirem ubi non prodesset, non te monerem*. Tum quia licet Canonum Collector can. signis autem de pœnit. dist. 7. illa verba alleget, velut Augustini homil. 41. inter 50. non sunt tamen Augustini: utpote qui non dicit, si cirem tibi non prodesset, non te monerem; immo potius, *si scirem tibi prodesset, non te admovere em*. Tum quia de casu nostro Augustinus ibi non agit, sed de moribundo, qui pœnitentiam distulit utique ad proximum vitæ terminum, cuius pœnitentiam ideo dubiam dicit, quia pœnitentiam sera, raro vera. Quia tamen non omnino constat, pœnitentiam tunc factam non profuturam, abolitionem dicit ei dandam ista in extremitate. Et pro isto casu dicit, *si scirem, id est certò cognoscere, nihil tibi prodesset absolutionem tunc datam, non tibi dare*. Item, *si scirem tibi prodesset, non te ad-*

*monerem, non te terrem, exaggerando pericula pœnitentiae ad tempus ultimæ infirmitatis dilatae*. Ex quo videt cordatus Lector, nihil prorsus ex Augustino erui posse, ad persuadendum, quod Confessarius pœnitentem monere non debeat de sua obligatione reparandi, quantum in se est, tantum damnum tot animabus illatum, per baptismum tam evidenter nullum. Ad quod non solum tenetur ut Doctor pœnitentis, sed &c ut Judex, ut judicare possit, an pœnitens sit vel non sit dispositus ad absolutionem. Sed de ista Confessarii obligatione plura suo loco.

Tenetur ergo Confessarius sagam illam 147 monere de obligatione damnum spirituale tot animarum reparandi. Quod si alter reparare non possit, nisi prodendo seipsum Magistratui, ad id tenetur, etiam cum periculo suæ mortis. Quia salutem corporis sui postponere tenetur æternæ saluti tot animarum, à se per summam impietatem & injuriam deceptarum. Fortassis tamen damnum illud reparare poterit, dando licentiam Confessario accedendi Judicem, seu Principem, ipsique sub secreto confessionis, promissioneque impunitatis, factum revelandi, ad procurandum illius remedium publicâ præconis voce, etiam de eo chartis publicè affixis, in vicinis civitatibus & oppidis, ut ab ipsa taliter baptizati, curent se ritè baptizari. Quâ factâ licentiâ, poterit saga illa ad locum remotum fugere, siveque vitæ suæ securius consulere, tametsi Judex teneatur tunc stare promissioni suæ, si sanctè promiserit impunitatem.

## C A P U T XVI.

*Exponitur præceptum dilectionis inimicorum.*

I Nimici nostri sunt, qui nos, vel conjuncti 150. Etos nostros laudent in bonis animæ, corporis, honoris, aut fortunæ, tametsi reciprocè non habemus inimicum erga eos animum. Quod ipsis tam interiori, quam exteriori affectu diligere teneamus, manifestè docet Salvator Matth. 5. *Diligite inimicos vestros, benefacie his qui oderunt vos, orate pro persecutib[us] vos*. Quibus verbis contineri præceptum, unanimis est doctrina Patrum. Unius Augustini verba referam 68. de temp. *Dominus in Evangelio, ut inimicos diligere debeamus, non dedit consilium, sed præceptum*. Quod præceptum explicans epift. 18. *Teneatur (inquit) in secreto animi patientia cum benevolentia; in manifesto autem id fiat, quod iis videtur prodesset, quibus bene velle debemus*.

Præceptum proinde istud, interiorum 151 charitatis affectum, *diligite*, ab externis dilectionis indicis, *benefacie his qui oderunt vos, orate pro persecutib[us] vos*, accuratè distinguens, ad duo obligat, ad internum

Hh 2

Tom. II.

scilicet dilectionis affectum, ab Augustino designatum per hæc verba, *teneatur in secrete-*  
*to animi patientia cum benevolentia*; necnon ad præstanta ipsis exteriora dilectionis officia, ipsis beneficiando, proque ipsis orando, ut ipsis profici simus, quibus benè velle debemus. Tótum verò istud nos facere oportet propter Deum, ut benè Author libri de modo benè vivendi ad sororem (apud D. Bernardum) dicens: *Debemus diligere inimicos nostros propter Deum, sicut & ipse ait in Evangelio.* In quo præcepti rationem addit, *nisi filii Patri vestri, &c.* quasi dicat, filii non eritis, proinde nec hæredes, nisi hoc feceritis.

151 Tam igitur affectu interno, quam externo, seu effectibus illius, oportet nos inimicum diligere, si vitam æternam consequi velimus. Unde Joannes in 1. Canonica sua c. 3. *Frates, non diligamus verbo, neque lingua, sed opere & veritate.*

152 Estque obligatio ista de jure naturali, non positivo evangeliico dumtaxat. Unde eā adstricci fuerunt etiam Judæi in lege veteri, uti contra Maldonatum benè ostendit Contensonus hic dissert. 6. in appendice, docetque S. Thomas.

153 Nec obstant verba Christi ad Judæos Matth. 5. 43. *Audi sis, quia dictum est antiquis, Diliges proximum tuum, & odio habebis inimicum tuum.* Quia verba ista, odio habebis inimicum tuum, non sunt iubentis iusto, sed permittentis iustifico, ait Augustinus 1. 1. de serm. Dom. in monte c. 21. nec intelliguntur de odio inimici, in quantum est homo, sed in quantum peccator, ut addit sanctus Doctor 1. 19. contra Faust. c. 24. nec dicta sunt antiquis à lege, sed à Pharisæis & Scribis, legem sinistrè interpretantibus: quandoquidem Exodi 23. Deus Judæis contra præcepit, *si occurreris bovi inimici tui, aut asino erranti, reduc ad eum. Si videris asinum odientis te jacere sub onere, non pertransibis, sed sublevabis cum eo.* Et Levit. 19. *Non oderis fratrem tuum in corde tuo, non queras ulationem, nec memor eris injuria.* Et Prov. 25. *Si esurierit inimicus tuus, ciba illum, &c.*

154 Cæterum ut amplius explicemus, ad quæ se extendat præceptum dilectionis inimicorum, dicendum, est in dubitatum, ex vi illius quemque teneri inimicis ex corde remittere offendam, quatenus importat animi exacerbationem, impedientem fraternalm dilectionem, etiam si inimicus veniam non petat, dederitque gravissimam ictius exacerbationis causam. Quia equidem nunquam licet animo vel ad momentum fovere quidpiam contrarium internæ dilectioni, quam ostendimus esse præceptam. Offendam autem remittere, est omnem odii ac vindictæ affectum sic deponere, ut offensus ab offensa non solùm non moveatur ad illi male volendum, sed & sincero corde

paratus sit ipsi exhibere debita internæ dilectionis signa.

155 Imprimis generalia, quæ aliis communiter hominibus ejusdem conditionis exhibere solemus. Nam, ut S. Thomas ait 2. 2. q. 25. a. 9. *Sunt quadam signa, quæ exhibentur proximis in communi, puta cum aliquis oras pro omnibus fidelibus, vel pro toto populo, aut aliquod beneficium impendi toti Communatæ.* Et talia beneficia, vel dilectionis signa, inimicis exhibere est de necessitate præcepti. Si enim non exhibentur inimicis, hoc pertinet ad livorem vindictæ, contra id quod dicitur Levit. 19. *Non queras ulationem, & non eris memor injuria civium tuorum.* Et alibi: *Mihi vindicta, & ego retribuam,* dicit Dominus. Alia verò sunt beneficia, vel dilectionis signa, quæ quis exhibet particulariter aliquibus personis; & talia signa exhibere non est de necessitate salutis, nisi secundum præparationem animi, ut scilicet subveniatur eis in articulo necessitatis, secundum illud Prov. 25. *Si esurierit inimicus tuus, ciba illum.*

Omnino proinde illicitum est, inimicum à communibus excludere orationibus, vel elemofynis, quæ toti fuent Communatæ, vel certis hebdomadæ diebus fuent omnibus pauperibus, pro ea ad januam fese offerentibus, vel ipsum excludere à refutatione, vel à mercium expositarum venditione, &c. Per consequens illicitum est, per se loquendo, cognatos omnes visitare, excepto solo cognato inimico; omnes obvios de vicinia, vel Collegio salutare, solo excluso inimico; invitatum ad prandium, ad quod aliqui solitus es accedere, ideo solùm nolle venire, quod ad idem invitatus sit inimicus; nolle loqui inimico petenti te alloqui, &c.

Deinde ex præcepto beneficiandi inimicis, quisque tenetur ipsos in necessitate constitutos pro posse sublevare, cibare, bovem, vel asinum ipsius errantem ad ipsum reducere, injustum malum ipsi alijs imminent in honore, fama, corpore, vel fortunis ipsius, si facile possit, impedire. Alijs graviter peccas, si grave est malum. Si enim præcipimus inimico benefacere, consequenter præcipimus malum ipsius, dum comodè postulumus, avertere, sicut nobis fieri vellemus.

Tertiò, si inimicum (ante injuriam) solebas salutare, alloqui, ad conversationem admittere, tametsi ista sint specialia dilectionis signa, ad eadem & modò præstanta teneris, nisi circumstantiae speciales aliud exigant, vel ab eo excusat. Ita Suarez, Coninck, Bonacina, &c. Quia scilicet constans est Theologorum sententia, ne specialia quidem dilectionis signa ex solo motivo injurie acceptæ, vel inimicitæ, denegari unquam posse: cum hoc pertineat ad livorem vindictæ. Experientia quoque docet, quod solita illa signa, extra circumstantias speciales denegare, odii fomitem submini-

fret, proximumque scandalizet; eò quod denegatio ista communiter censetur signum esse odii, vindictæ, vel contemptus.

<sup>159</sup> Quartò, specialia illa dilectionis signa tunc maximè præstanda sunt, cùm per ea spes probabilis affulget Deo lucrandi, sibique reconciliandi proximum, alias in odio, & inimicitia perfiditum, vel etiam magis exarsurum. Tunc enim oportet nos infinitati proximi ex charitate subvenire, & super caput ipsius carbones igne charitatis succensos projicere, uti Doctores communiter tradunt, contra Marcum Vidal, dicentem, ad ea neminem teneri, ob spem probabilem lucrandi proximum, etiam si signa illa exhibere possemus absque ullo damno nostro. Quia si ex hoc in odio ipse persistat, vel magis exardecet, soli malitia ipsius imputandum; quemadmodum si se occidere vellet, eò quod centum ipsi aureos donare nolle.

<sup>160</sup> Verùm opinio ista videtur parùm Christiana, & ratio illius frivola. Tum quia in casu nostro plurimum est infirmitatis; secùs in casu objecto. Tum quia centum aureos donare non possem absque notabili damno meo, sine quo supponitur me signa illa exhibere posse. Quemadmodum ergo indubitatum est, me teneri ex charitate impedit, ne proximus ex malitia sua se corporaliter occidat, si sine notabili detimento meo possim; similiter indubitatum est, me teneri ex charitate impedit, ne occidat te spiritualiter, uti amplius patebit ex dicendis de præcepto fraternalæ correctionis.

<sup>161</sup> Nec quisquam dicere potest, incurre se detrimentum honoris, in salutatione inimici, quem ante inimicitiam salutare conふeverat. Quia econtrà sapientum omnium iudicio, veri honoris acquirit incrementum, Christianæ charitatis veræque generositatis insigne perhibendo exemplum: cùm generosior ac fortior sit, qui se, quam qui fortissimi vincit menia. Nec hoc ingeneroso animo imputare possunt, nisi insipientes, qui nec secundum Deum, nec secundum regulas Evangelii judicant, sed secundum fatuas mundi maximas, cuius sapientia, stultitia est apud Deum. Unde & ipsi ingeneroso animo similiter deputant, acceptam non uilecui injuriam: tametsi ultio ista, Dei & omnium verè sapientum iudicio, verè signum sit ingenerosi animi, nescientis sibi siveque passionibus dominari.

<sup>162</sup> Hinc etiam Christiana non est opinio dicentium, te non teneri priùs alloqui inimicum, quamvis certò prævideas, ipsum per hoc ad saniores mentem perducendum, & alioqui in inimicitia & odio perfiditum. Quid enim? Estne hoc sincerè diligere inimicum, ut Patris cœlestis filius sis? An non velles in casu simili, tam exiguo incommmodo salvari à proximo animam tuam? An non oportet te inimicum, utpote proximum

tuum, diligere sicut te ipsum? Quomodo tam parva tibi cura de anima ipsius, pro qua Christus mortuus est? Quomodo in te vel ipsius Dei charitas est, cuius grandem offendam cum tam modico tui dispendio removere detrectas? Quomodo misericors es, sicut Pater cœlestis misericors est: cùm visceria misericordia occludas fratri tuo, dum renuis lucrari ipsum Deo, cùm tam facile possis? Quomodo Christianus es, sive imitator & discipulus Christi, qui, cùm adhuc inimici esses, prior dilexit nos, & lavit nos à peccatis nostris in sanguine suo, ut ex inimicis Dei, amicos nos faceret & filios. Non dedignetur, quod fecit Christus, facere Christianus (inquit Augustinus tr. 5. in Joan.) non dedignet ergo proximum verbo preuenire, ut ex suo Deique inimico utriusque amicum faciat. Nam Christus exemplum dedit nobis, ut quemadmodum ipse fecit, ita & nos faciamus; nec proinde ingenerosum existimemus inimicum preuenire, amore illius, qui nos inimicos suos dilectione, in & morte suâ preuenit; nosque peccatores gratia suâ quotidie preuenit, atque ad reconciliationem prior invitat.

Dixi n. 158. nisi circumstantiae speciales <sup>163</sup> aliud exigit, prout exigere videntur. 1º. si prudenter existimetur, quod inimico profutura non sit specialis illa benignitas nostra; in modo potius obfutura; eò quod èa fit abfurus, pejorque futurus, cum iis de quibus S. Ignatius Martyr in epist. ad Romanos: quibus cùm beneficeris, peiores fiunt. Tunc enim charitas dictat signa illa omitenda, ne quod pro charitate sit, contra charitatem militet.

2º. si inimicus prævideatur ad meliorem <sup>164</sup> mentem potius reducendum, à novisque injuriis revocandus signorum illorum specialium omissione. Quia tunc charitatis est illa omittere.

3º. si superior à subditis, pater à filiis offensus fuerit, solita specialis dilectionis signa potest ad tempus ipsis per modum correctionis subtrahere, exemplo David, qui facie sue conspectum Absalon denegavit, etiam post remissionem ipsi offendam. Quia tamen in re prudentia & circumspectio necessaria est, ne ex passione faciant, quod ex zelo se facere putant; ne etiam officio defint, quo turbatos subditorum animos ad sanam mentem reducere tenentur.

4º. sunt qui putant, eos quibus atrox <sup>165</sup> vel infamis facta est injuria, ad tempus excusari ab exhibendis solitis illis signis dilectionis. Eò quod suspensio illarum tunc prudenter oriri non censeatur ex odio, sed ex justi doloris sensu, austriorem exigente vultum, ne injuriæ atrocitatem vel infamiam parvipendere videantur. Sed hoc suadere nolim, ne ex melle isto sugatur venenum. Facile enim sub ejusmodi coloribus vindictæ vel passionis livor delitescit.